



Broj: 02-04-2-2415/23

Goražde, 16.06.2023. godine

Na osnovu člana 22. Odluke o javnim priznanjima ("Službene novine Grada Goražda", broj 4/16, 10/18), Gradonačelnik Goražda **r a s p i s u j e**:

J A V N I P O Z I V **za predlaganje kandidata za dodjelu javnih priznanja Grada Goražda**

Pozivaju se Gradonačelnik i upravna tijela Grada Goražda, vijećnici Gradskog vijeća, preduzeća i druge pravne osobe, savjeti mjesnih zajednica, udruženja, vjerske zajednice, humanitarne organizacije i građani da predlože kandidate (kolektive i pojedince) za dodjelu javnih priznanja Grada Goražda u formi:

1. Počasni građanin Grada Goražda

Uslovi: Javno priznanje „Počasni građanin Grada Goražda“ dodjeljuje se osobi posebno zaslužnoj za promicanje vrijednosti demokratskog društva, položaja i ugleda Grada Goražda, njegovih odnosa s drugim gradovima u zemlji i inostranstvu, te za razvoj Grada Goražda ili pojedinih njegovih djelatnosti.

Prijedlog za dodjelu javnog priznanja „Počasni građanin Grada Goražda“ mogu podnijeti Gradonačelnik Goražda, ili pet vijećnika Gradskog vijeća Goražda.

2. Zlatna plaketa Grada Goražda

Uslovi: Dodjeljuje se građanima Grada Goražda, njihovim udruženjima, drugim lokalnim zajednicama, ustanovama, preduzećima, vjerskim zajednicama te drugim pravnim osobama za iznimna dostignuća, akcije i doprinose u kontinuiranom dugogodišnjem radu i djelovanju kojima lično doprinose razvoju i boljitku Grada Goražda ili pojedinih njenih djelatnosti. Pod kontinuiranim dugogodišnjim radom smatra se period od najmanje pet godina.

3. Srebrna plaketa Grada Goražda

Uslovi: Dodjeljuje se za iznimna dostignuća, akcije i doprinose u oblasti privrednih, društvenih i javnih djelatnosti od posebnog općeg društvenog značaja za razvoj, ugled i promovisanje Grada Goražda, za protekli trogodišnji period pravnim i fizičkim osobama sa područja Grada Goražda.

4. Prijatelj/Prijateljica Goražda

Uslovi: Dodjeljuje se za građane koji nemaju prebivalište na području Grada Goražda za izuzetan doprinos u razvoju kulture, civilnog društva, sporta, turizma i drugih vrijednosti koje na najbolji način promovišu i afirmišu pozitivan imidž Grada Goražda u Evropi i svijetu za protekli dvogodišnji period.

5. Povelja za životno djelo Grada Goražda

Uslovi: Dodjeljuje se ishtaknutim pojedincima koji su svojim kontinuiranim i izuzetno značajnim naučnim, stručnim, umjetničkim, pedagoškim ili drugim javnim radom dali trajan i primjeren doprinos lokalnoj zajednici, te ostvarili rezultate trajne vrijednosti na unapređenju stanja i razvitka pojedinih područja djelatnosti, odnosno, koji su dali trajan doprinos promociji i ugledu Grada Goražda.

6. Povelja humanosti Grada Goražda

Uslovi: Dodjeljuje se za humana djela učinjena na području Grada u prethodnih 12 mjeseci.

Gradska javna priznanja mogu se dodjeljivati i posthumno.

U postupku predlaganja kandidata za javna priznanja Grada Goražda ne mogu se predlagati političke partije, kao ni organi i tijela istih.

KRITERIJI ZA DODJELU JAVNIH PRIZNANJA GRADA GORAŽDA SU:

a) PODRUČJE PRIVREDE

Pravne osobe iz područja privrede mogu se predložiti za dodjelu javnih priznanja ukoliko su u određenim periodima, ovisno o vrsti predloženog javnog priznanja, ostvarile dobre privredne rezultate u svom poslovanju, kako u pogledu finansijskih pokazatelja tako i u smislu značajnijeg investiranja ili zapošljavanja novih radnika, ili investiranja u pravcu zadržavanja postojećeg zapošljavanja i modernizacije proizvodnje, ili koje su ostvarile značajnije izvozne rezultate, te koje su osmišljavanjem novih proizvodno-tehnoloških postupaka, restrukturiranjem, ili novim proizvodom na tržištu ostvarile nove perspektive u razvoju privrednih djelatnosti na području Grada Goražda.

Pravne osobe iz područja privrede ne mogu se predložiti za dodjelu javnih priznanja ukoliko su u prethodnom razdoblju ovisno za koje se priznanje predlažu, poslovale s gubitkom, smanjivale broj zaposlenih, ili nisu izmirivale zakonske društvene obaveze, a posebno obaveze prema Gradu Goraždu. Prethodno utvrđeni kriteriji primjenjuju se i na prijedloge za dodjelu javnih priznanja čelnim osobama u pravnim licima u privredi (direktorima, predsjednicima i članovima Uprava, vlasnicima tvrtki u malom i srednjem preduzeću, obrtnicima i dr.).

b) PODRUČJE DRUŠTVENIH DJELATNOSTI

Pravne i fizičke osobe iz područja društvenih djelatnosti (kultura, umjetnost, prosvjeta, predškolski odgoj, sport, tehnička kultura, humanitarno-socijalne i zdravstvene djelatnosti, turističke djelatnosti, informisanje i dr.) mogu se predložiti za dodjelu javnog priznanja, ukoliko su u određenom razdoblju, ovisno o vrsti predloženog priznanja ostvarile iznimne rezultate u radu, odnosno u djelatnostima kojima se bave i time doprinijele ukupnoj promociji Grada Goražda.

Pravne osobe iz područja društvenih djelatnosti ne mogu se predložiti za dodjelu javnih priznanja ukoliko u prethodnom razdoblju, ovisno za koje se priznanje predlažu, nisu uredno dostavljale izvještaje o svom radu Gradonačelniku i Gradskom vijeću, ili su dostavljeni izvještaji bili ocijenjeni manjkavima, ili ako u svom radu nisu namjenski trošili finansijska sredstva podrške od Grada Goražda. Za pravne osobe iz područja društvenih djelatnosti, uz inicijalni prijedlog za dodjelu javnog priznanja obavezno se dostavlja i izvještaj o radu za određeni period, ovisno o vrsti predloženog priznanja.

Prijedlog za dodjelu jednog od javnih priznanja dostavlja se u pismenom obliku i sadrži sljedeće:

- obrazac za prijavu na Javni konkurs za dodjelu javnog priznanja (potpisan i ovjeren od ovlaštne osobe)
- ime, prezime i adresu kandidata, odnosno naziv i sjedište pravnih subjekata koji se predlažu za dodjelu javnog priznanja,
- oblast iz koje se predlaže,
- obrazloženje prijedloga,
- raspoloživu dokumentaciju kojom se potvrđuju navodi iz obrazloženja,
- tačno naznačeno i opisano djelo, rad i uspjeh zbog kojih se predlaže.

Uz prijedlog se prilaže potrebna odgovarajuća dokumentacija - objavljeni rad, analize, prikazi, kritike, pisanje stručnog i drugog časopisa, takmičarski rezultat i sl.

Na zahtjev Odbora predlagač je dužan naknadno dostaviti dopunske podatke i dokumentaciju čiji rok za dostavu ne smije biti veći od 7 dana.

Obrazac za prijavu na Javni konkurs za dodjelu javnog priznanja, objavljen je na web stranici Grada Goražda – www.gorazde.ba, a može se podići i u Centru za pružanje usluga građanima Gradske uprave Goražda.

Javni poziv za podnošenje prijedloga za dodjelu javnih priznanja traje **od 19.06.2023. do 02.08.2023. godine**, a prijave dostavljati na adresu: **Grad Goražde, Centar za pružanje usluga građanima, ul. M.Tita br.2, Goražde** sa naznakom „**ZA JAVNI POZIV ZA DODJELU JAVNIH PRIZNANJA GRADA GORAŽDA**“ – **Odboru za dodjelu javnih priznanja**“.

DOSTAVLJENO:

1. "Glas Goražda",
2. JP RTV BPK Goražda,
3. WEB-site Grada Goražda,
4. Mjesne zajednice x 20,
5. Oglasna tabla Grada,
6. U dosije i
7. a/a.-

GRADONAČELNIK
ERNEST IMAMOVIĆ